



# НУР

Еженедельная республиканская общественно-политическая газета  
«НУР» («СВЕТ») на цахурском и русском языках

№ 1 (1344) Пятница, 12 января 2024 г.

Издается с 1995 года

Цена 10 руб.

## ОАЭ Дагъыстаныкан алакъабы

Гайин йигъбышее Дагъыстанэ Аликийни Арабни Эмиратбышчен (ОАЭ) делегация ыхъа. Манчис гуманитар ылымбышди Университетни докторе Халиф Мубарак Аз-Захирье хаібвалла гъавъу.



Улджумни далатийни йигъыл' арабни олкейнчен мигъманар Дербентни шагъаре къаблявъу. Делегацийни хаірынкъуни увгъойка, джо гыни шагъарехъа джурбаджурни макъсадбышкын алакъабы сых хъай, хъийгъа гыни уфтани шағъарыкв танышбхъай ва медын къойни сурас хъайирысын имканбы табалау.

Мигъманаршис «Нарын-къала», магъалбы, Джумайма-манзик, Низами Гянджевийни доюолин парк ва шағъарын марахукан джигабы гъагу.

Хайин йигъыл' ОАЭ делегацийн Майгъачкъалэ Дагъыстанни хаірынкъуан Сергей Меликовуан горуш илгъечу. Регионни регъберни джуваббышихъа гора, Россиейн Эмиратбышкын алакъабы гъаммаше гъаракате водунбы. Манбы къойни олкабышди Чакыныбышди хулемхъейни горушбыше тасдикъа.

Сергей Меликове ОАЭ инвестораршис Каспий деръяйни къирагъыл' туризмайн объекты алий теклифау. Манчини айре югни шараптбышкын мигъманханабы, джан тавулхъа хъаляълан марказбы ва медынбы.

Мигъманаршини увгъойка, Дагъыстаныка джо менни сферабышейид сыхын алакъабы аххъас гъазирба вобунбы. Ман джуваббы Дагъыстан девлет педагогъожи университетыквада олкунини разиваллайн субутаан.

## Сергей Меликовун Къаекентни районехъа гъаркынний

Январьни 10-чил Дагъыстанна хаирна Сергей Меликов ишиквада Къаекентни районе ыхъа.

Айдатыхъа гора, республикайна хаирна аляъани ва ишлемишхъени социал объектбышихъа иликкы, СВО иштыракчершини хизанбышкын хъызаххы, ерры джаймаатыквада гаф вукку, манчиле гъайре муниципалитетни Чакыныбышкын районни дагъамийвал'бышди гъайлек юшенхъа. Гыргынчиле гъихъа Сергей Меликов СВО иштыракчий, хъикъуле хъийгъа орден Мужества гъувони Мурад Закарьяевни хизаныквада горушмишхъа. Республикийни хаирнкъве къайраманни деккисий едис, Закарьеий Джариятыс, башсагълыгъийвалла гъуво.

«Гъелбетте вушда дих шаке йыкъалхъа сакъалаъас ахас деш. Амма хуленни инсаныс мана йикъел' ахуй ыхъай, шоква саджиге манкъуни аллан хошун ихтилит гъай, нағъарна инсан ыхъай субутаан. Манкъве джитана ымыр гъавъэйб, мана игитна ачуна ымыр вухъа» - Сергей Меликове агъмишау.

Мурад джун гъамбазар даївийни ялавыке къаттивхъанааъанкъа

2022 сенни февральни 27-чил хъикъу. Манкъве 2019 сен контракт одкүн, Росгвардие къуллух гъааъа вухъа. Мана едике ыхъайни мактабыс манкъун до гъуво ва мемориал гъайкал гивхъу.

Къаекенте регионна башчий меценатаршини ва ерры джаймаатни кумагыка алийни спортзалыка танышхъа. Манчее йигъыс 500 инсан машкулхъесда имканобна. Сергей Меликов спортсменаршкын горушмишхъа ва манбышди планбышкын марахланмишхъа.

Хъийгъа регионна регъбер мактаббышди санчее ыхъа. Мааъар мана хъайдхъийни процессыка танышхъа ва маъаллимаршкайи шыгъартаршкын гаф вукку. Гойне мана Тезекъаектене 2023 сен алийни ушахбахчеехъа аттамишхъа.

Манчиква республикайна хаирна разийра аху. Дагъыстанни Къаекентни районе СВО иштыракчершис гивхъуйни гъайкални аахъыйейид иштыракау. Мана гъайкал Къаекент районенче хъигъебчукъини меценатаршини



кумагыка алявъу. Хъийгъа Сергей Меликов Къаекентни районенчени СВО гъабтыйни эскераршини хизанбышкын хъызаххы. Манкъве башсагълыгъийвалла агъмишаву

Материалы  
К. Шамхалове гъалэрәу













